
ДЕПУТАТЛАР СЎРОВ ЎТКАЗГАНДА...

Давлатимиз раҳбари ташаббуси билан мамлакатимизда илгари сурилаётган сиёсий, иқтисодий ва ижтимоий ислохотларни янада чуқурлаштириш ва фуқаролик жамиятини ривожлантиришнинг муҳим шартларидан бири бу жамиятни рақамлаштириш ҳисобланади. Бу ўз навбатида барча соҳаларга замонавий ахборот коммуникация технологияларини кенг жорий этишни талаб этади.

Дониёр Ғаниев бошчилигидаги Олий Мажлис Қонунчилик палатаси депутатлар гуруҳи 7-10 февраль кунлари Электрон ҳукумат соҳаси амалиётига оид қонуности норматив-ҳуқуқий ҳужжатлар ижроси самарадорлигини ўрганиш мақсадида Давлат хизматлари агентлиги Фарғона вилоят бошқармаси ҳамда Учкўприк, Бағдод, Ёзёвон ва Олтиариқ туманлари Давлат хизматлари марказлари фаолияти самарадорлиги борасида сўровномалар ўтказди.

Унинг яқунлари бўйича Фарғона вилояти ҳокимининг биринчи ўринбосари Фарҳод Тошпўлатов иштирокида депутатлар гуруҳида муҳокама қилинди. Учрашувда депутатлар Фарғона вилояти фуқароларнинг Давлат хизматлари марказларига мурожаати бўйича республикада етакчи ўринда туриши, вилоятдаги 16 та шаҳар ва туманларда Давлат хизматлари марказлари учун замонавий типдаги янги бино қуриб берилганлиги ва мурожаатчилар ҳамда ДХМ ходимлари учун қулай шароитлар яратиб берилганлиги эътироф этилди.

Шу билан биргаликда 3 та ҳудудларда ДХМлар учун янги бино қуриш ишлари кечикканлиги, ДХМларида давлат хизматларини интеграциялашган тартибда тақдим этиш учун айрим вилоят бошқарма ва ташкилотлари томонидан сусткашликка йўл қўйилаётганлиги, бунда фуқароларнинг ҳайдовчилик гувоҳномаларини янги тартибга асосан алмаштиришнинг охириги муддати жорий йилда якунига етишини инобатга олган ҳолда ИИБ ЙҲХБ маъсул ходимлари масъулияти ҳақида сўз юритилди.

Давлат хизматлари марказлари ва масъул ташкилотларни юқори тезликдаги интернет тармоғи билан таъминлаш мақсадида оптик толали тармоқ тортиш ишлари тўла амалга оширилмаганлигини, бу вазифалар вилоятда рақамли иқтисодиётни жорий этишдаги энг йирик муаммолардан бири эканлиги айтилди. Бундан ташқари сўровнома натижалари билан аён бўлган давлат хизматларидан онлайн фойдаланиш даражаси ўта пастлиги аҳоли саводхонлиги билан боғлиқ бўлиб қолмоқда. Бу ҳолатни бартараф этиб бориш учун давлат хизматларидан my.gov.uz – ягона давлат интерактив хизматлар портали ва my.gov – мобил иловасидан фойдаланиш борасида реклама роликларини ОАВларда кенг тарғиб қилиш мақсадга мувофиқлиги таъкидланди.

Фарғона вилояти ҳокимлиги Ахборот хизмати.

Facebook, Telegram, Веб сайт, YouTube

2020-02-11 15:30:37